

Pineqartoq: Meeqqanut akilersuutit.

Aningaasarsianit akilerarutit pillugit Inatsisartut inatsisaanni nr. 5, 19. maj 1979-imeersumi § 18, imm. 1-ip oqaasertai Inatsisartut inatsisaatigut nr. 21, 30. oktober 1992 - imeersumi § 1, nr. 3-kkut allanngortinneqarput.

Allannguut 14. oktober 1992 aallarnerfigalugu atuutilerpoq.

Ullormit tassanngaaniit akilersuutit taamaallaat piffissami akilerartussaaffimmi akiligassanngorlutillu akilerneqarsimasut aningaasarsiat akileraruteqaataasussat naatsorsornerini ilanngaatineqarsinnaalerput. Tamatumunnga ilanngullugu ilanngaateqarsinnaanermut piumasari-neqartut maannamut atuuttut anguneqarsimasariaqarput.

Allannguutip kingunerisaanik aapparimasamut meeqqanullu akilersuutinut akiligassat akile-
raartussaataitanerup atuutilerfia sioqqullugu akiligassanngorsimasut, ukiumi akilerneqarfiini
aningaasarsianit akileraruteqaataasussanit ilanngaatineqarsinnaajunnaarput.

Averusernermut avinnermulluunniit atatillugu akilersuutit.

Averusernermut avinnermulluunniit atatillugu akilersuutit akilerartarnermi anatsimmi § 18, imm. 1,
nr. 1 naapertorlugu aningaasarsianit akileraruteqaataasussanit ilanngaatineqarsin-
naapput, apeqqutaatinnagu akilersuutit pisortanit oqartussaasunit aalajangerneqarsimanersut imaluunniit
illua tungeriit akornanni isumaqatigiissutaasimanersut.

Meeqqanut akilersuutit isumaqatigiissutigneqarsimasut nalinginnaasumik ilanngaatineqar-
sinnaapput, tassa akilersuutit annertussusaat piffissarlu akilersorneqarfissaat pillugit illuat-
ngeriit isumaqatigiissutaat naammaginartumik erseqqippat. Isumaqatigiissut naammaginann-
gitsutut isigineqarsinnaappat, aammalu pilersuinissamik siunertaqarluni isumaqatigiissutaane-
ranik immikkut patsisissaqanngippat § 18, imm. 5 naapertorlugu sanioqqunneqarsinnaassaaq.

Skatterådip suleriaasia naapertorlugu annerpaamik meeqqanut akilersuutit nalinginnaasumik
annertussusillit 200 %-imik ilasat ilanngaatineqarsinnaaneri akuerineqarsinnaapput.

Najugaqatigiinningsunut:

§ 18, imm. 1, nr. 1-imi allassimavoq aapparitamut meeqqanulluunniit akilersuutit taamaallaat
ilanngaatineqarsinnaasut aapparisaq imaluunniit meeqqat akilersuisumi najugaqanngippata.
Tamatumaa kingunerissavaa akilersuisoq, § 1, nr. 2 kisiat patsisigalugu akilerartussaataasooq,
aapparitamut imaluunniit meeqqanut akilersuutiminik ilanngaateqarsinnaanngimmat atatsi-
mut najugaqannginnertik piinnarlugu akilersuuteqarpat. Taamaattoqartillugu illua tungeriit
najugaqatigiinnartutut isigineqassapput. Aammattaaq inooqatigiinnerat kipisimasutut isigi-
neqassanngilaq.

Angajoqqaat ataatsimut meeqqanut oqartussaappata:

Aappariit arlaat meeqqap najugaqarfiginnisaa ilangaateqartinneqarsinnaavoq, meeqqamik na-
juisinnaaneq pillugu isumaqatigiissut naapertorlugu piffissap ilaani pineqartumi najugaqarta-
raluarpalluunniit.

Meeraq anaanamini ataaminilu sivisoqatigiimmik najugaqartarpat meeqqap angajoqqaami ar-
laata najugaqarfiani, inuit aqisa allattorsimaffiat naapertorlugu meeqqap najugaqarfigisaani,
angerlarsimaffeqartutut isigineqassaaq, taamaasilluni akilerartarnermut inatsimmi § 18, imm. 1-imi

meeqqamut akilersuutinik ilanngaateqarsinnaanermut piumasarisaasut angajoqqaajusup aappaanik naammassineqarsimassallutik.

Ataasiaannartumik akiliutit:

18 naapertorlugu ilanngaateqarsinnaaneq ingerlaavartumik akilersuutinuinaq atuukkaluarpoq periaaserineqartorli naapertorlugu ataasiaannartumik akiliutit ilaat, meeqqap inunngorneranut, kuisinneranullu atatillugu akiliutigineqartut aammalu meeqqap apersortinneranut atatillugu akiliutigineqartut, aammattaaq ilanngaateqartinneqarnissaat akuerineqarsinnaapput.

Meeqqat 18-it sinnerlugit ukiullit:

Meeqqnut 18-it sinnerlugit ukiulinnut akilersuutit taamaallaat ilanngaatigineqarsinnaapput pisortanit oqartussaasunit akilersuisussaaneq peqqutigineqarsimappat

Inooqatigiinnerup kipivinneqarneranut atatillugu akilersuutit:

18, imm. 1-imi aalajangersaqaq taamatutaaq atuuppoq akilersuutininut inooqatigiinnerup kipivinneqarneranut atatillugu akilerneqartunut, aammalu akilersuutit pisortanit angissusilerneqarlutillu akuerineqarsimatillugit.

Ukiumi inooqatigiinnerup kipivinneqarfiani akilersuutit pisortanit angissusilerneqaratillu akuerineqarsimangippata akilersuutit ilanngaatigineqarsinnaasut taamaallaat tassaapput ukiumi aningaasarsiorfiusumiit akilersuisussaataanerup akuersissutilluunniit naammassineqarfianni akilersuutit.

Akilersuutit avissaavissimanerup nalaani akilerneqarsimasut aammalu pisortanit akuerineqaratillu angissusilerneqarsimangitsut ilanngaatigineqarsinnaapput, averuserneq avinnerluunniit sioqqullugu aappariit akilersuuteqarnissamut isumaqatigiissutigisimasaat kingusinnerusukkat averusernermut avinnermulluunniit atatillugu akilersuutissat angissusilerneqarnerini akuersissutigineqarpata. Taamaattorli taamaallaat ilanngaatigitinneqassapput akilersuutit ukiumi averuserfimmi aviffimmiluunniit akilerneqarsimasut.

Katissimanani meeqqanut akilersuutit:

18, imm. 1-imi aalajangersakkat aammattaaq atuupput akilersuutininut katissimanani meeqqanut akilerneqarsimasunut, tassa akilersuuteqartoq meeqqamut pilersuisussaataappat imaluunniit akilersuisussaataappat, aammalu meeqaq akilersuisumi najugaqangippat.

Akilerartarnermi Pisortaqaarfimmit Nalunaarut nr. 295, 21.12 1992-imeersoq matumuuna atorunnaarsinneqarpoq.